

Yn ystyried gadael cynllun pensiwn eich gweithle?

Helpwr Arian

Os gallwch chi fforddio gwneud hynny, mae aros yng nghynllun pensiwn eich cyflogwr fel arfer yn syniad da. Os byddwch yn gadael, efallai y byddwch yn colli allan ar arian y mae gennych hawloddo.

Pam ddylwn i dalu i mewn i bensiwn?

- Cynllunirpensiwn i roi arian i chi fyw arno ar ôl ymddeol, fel y gallwch roi'r gorau i weithio neu leihau eich oriau. Fel arfer, mae eich arian yn cael ei fuddsoddi a'i reoli ar eich rhan gan weithwyr proffesiynol, felly dylai dyfu dros amser.
- Bydd eich cyflogwr yn talu o leiaf 3% o'ch cyflog i mewn i'ch pensiwn yn y rhan fwyaf o achosion, felly mae gadael eich pensiwn fel gwrthod cyflog. Rhaid i'ch cyflogwr dalu i mewn yn awtomatig os ydych rhwng 22 a'ch oedran Pensiwn y Wladwriaeth yn ennill dros £10,000 y flwyddyn. Os ydych chi rhwng 16 a 75 oed ac yn ennill mwy na £6,240 y flwyddyn, rhaid iddynt dalu i mewn os gofynnwch iddynt wneud hynny. Os ydych yn ennill llai na £6,240 y flwyddyn, nid oes rhaid i'ch cyflogwr gyfrannu ond mae'n rhaid iddo adael i chi ymuno os gofynnwch.
- Fel arfer, rydych chi'n cael rhyddhad treth ar eich cyfraniadau pensiwn. Mae hyn yn golygu eich bod naill ai'n cael mwy yn eich cyflog mynd adref drwy dalu llai o dreth neu fwy o arian yn mynd i mewn i'ch cynllun pensiwn. Dysgwch ragor yn: moneyhelper.org.uk/cy/pensions-and-retirement/tax-and-pensions/tax-relief-and-your-pension

Os ydych yn talu treth cyfradd sylfaenol (20%), y gost i chi gynylo £100 i'ch pensiwn fydd £80 fel arfer.

Efallai y byddwch yn colli allan ar arian am ddim a buddion eraill

Os byddwch yn gadael cynllun pensiwn eich cyflogwr, neu'n rhoi'r gorau i dalu i mewn am gyfnod, byddwch fel arfer yn colli allan ar gyfraniadau cyflogwr, rhyddhad treth a thwf buddsoddiad. Gall hyn wneud gwahaniaeth mawr i'r swm a fydd gennych ar ôl ymddeol.

Bydd y rhan fwyaf o bensiynau hefyd yn eich talu os oes angen i chi ymddeol yn gynnar oherwydd afiechyd a byddant yn talu eraill os byddwch chi'n marw. Efallai na fydd hyn yn digwydd os byddwch yn gadael y cynllun.

Enghraifft

Os byddwch chi a'ch cyflogwr yn cynilo £200 i mewn i bensiwn cyfraniadau diffiniedig bob mis, yn 65 oed gallai eich cronfa fod yn werth tua:

- £317,000 os ydych yn dechrau yn 20 oed
- £225,000 os ydych yn dechrau yn 30 oed
- £147,000 os ydych yn dechrau yn 40 oed
- £80,000 os ydych yn dechrau yn 50 oed.

Rydym wedi gwneud rhai rhagdybiaethau ar bethau fel cyfraddau twf, cyfradd chwyddiant, ffioedd buddsoddi a hyd y buddsoddiad.

Amcangyfrifon yn unig yw'r holl ffigurau. Peidiwch â'u defnyddio i wneud unrhyw benderfyniadau.

Dydw i ddim yn bwriadu rhoi'r gorau i weithio, pam fod angen pensiwn arnaf?

Hyd yn oed os nad ydych chi'n bwriadu rhoi'r gorau i weithio, gallai cael cronfa o arian pan fyddwch chi'n hŷn olygu eich bod chi'n gwneud mwy o'r pethau rydych chi'n eu mwynhau.

Fel arfer gallwch gael mynediad at eich cynilion pensiwn o 55 oed (57 o fis Ebrill 2028). Mae pensiwn hefyd wedi'i gynllunio i roi incwm i chi os oes angen i chi roi'r gorau i weithio'n gynnar oherwydd salwch.

Mi gaf bensiwn gan y llywodraeth – pam ddylwn i dalu eilwaith?

Ar ei ben ei hun, mae Pensiwn y Wladwriaeth yn annhebygol o roi digon o arian i chi ar gyfer ymddeoliad cyfforddus. Yr uchafswm wythnosol hyd at Ebrill 2027 yw £241.30.

Bydd angen i chi hefyd aros nes eich bod yn cyrraedd eich oedran Pensiwn y Wladwriaeth i'w hawlio, a allai fod yn 68 oed neu'n hŷn.



Os na allwch fforddio eich cyfraniadau pensiwn, dywedwch wrth eich cyflogwr

Os ydych yn poeni am arian, siaradwch â'ch cyflogwr i weld a allwch chi dalu llai fel cyfraniad pensiwn.

Fel arfer mae angen talu o leiaf 8% o'ch cyflog i mewn i'ch pensiwn, gyda'ch cyflogwr yn cyfrannu o leiaf 3%.

Os yw'ch cyflogwr yn talu mwy i mewn, efallai y byddwch chi'n gallu talu llai i mewn – yn hytrach na stopio. Os byddwch chi'n gostwng eich taliadau, adolygwch eich cyllid yn rheolaidd i weld a allwch chi fforddio eu cynyddu eto.

Ewch i gael cymorth cyn i chi benderfynu.

Gallwch gael arweiniad am ddim gan un o'n harbenigwyr pensiwn ar-lein yn moneyhelper.org.uk/cy/contact-us neu drwy ffonio 0800 011 3797. Rydym ar agor o ddydd Llun i ddydd Gwener, 9am i 5pm.

I ddarganfod beth sydd orau i chi a'ch arian, ystyriwch dalu am gyngor ariannol rheoleiddiedig. Bydd hyn yn rhoi cynllun wedi'i deilwra i chi sy'n addas i'ch amgylchiadau a'ch nodau. Am gymorth i ddod o hyd i gynghorydd pensiwn neu ymddeoliad, ewch i moneyhelper.org.uk/cy/pensions-and-retirement-taking-your-pension/find-a-retirement-adviser

Os byddwch yn gadael eich cynllun pensiwn, ni fyddwch yn colli eich cynilion

Os penderfynwch adael eich cynllun pensiwn, mae'r holl arian yn dal i fod yn eiddo i chi – hyd yn oed y symiau a delir i mewn gan eich cyflogwr. Bydd eich darparwr pensiwn yn parhau i reoli eich arian nes y byddwch yn gallu cael mynediad ato.

Os hoffech chi ailymuno â'ch cynllun pensiwn yn ddiweddarach, gofynnwch i'ch cyflogwr beth sydd angen i chi ei wneud. Efallai y bydd rhai cynlluniau'n caniatáu i chi ailymuno ar unrhyw adeg, ond efallai mai dim ond unwaith y flwyddyn y bydd eraill yn ei ganiatáu.

Gallwch hefyd ddewis trosglwyddo eich pensiwn i ddarparwr gwahanol. Er enghraifft, os byddwch yn newid swydd, gallech ystyried symud eich cynilion pensiwn i gynllun eich cyflogwr newydd.

HelpwrArian

Mae HelpwrArian yn annibynnol ac yn cael ei gefnogi gan y llywodraeth i'ch helpu i wneud y gorau o'ch arian. Rydym yn rhoi arweiniad arian a phensiynau diduedd am ddim i bawb ledled y DU – ar-lein a thros y ffôn.

Ewch i ni yn moneyhelper.org.uk/cy

Neu cysylltwch â ni drwy:

Ffôn

Arweiniad Arian a Phensiynau

DU **0800 011 3797**

os ydych chi y tu allan i'r DU:

+44 20 7932 5780

Llun – Gwe 9am i 5pm

Ar-lein

moneyhelper.org.uk/cy/contact-us

Cymunedau ar-lein

Ymunwch â'n grwpiau Facebook am gymorth:

moneyhelper.org.uk/cy/blog/everyday-money/come-and-join-our-online-communities

I weld ein hystod lawn o ganllawiau a gofyn am gopiâu ewch i moneyhelper.org.uk/cy/contact-us/free-printed-guides

**Helpwr
Arian**

Gan y



**Gwasanaeth
Arian a
Phensiynau**

Mae'r Cyhoeddiad hwn ar gael yn y Saesneg.

Mae galwadau o'r DU am ddim. Er mwyn ein helpu i gynnal a gwella ein gwasanaeth, efallai y byddwn yn recordio neu fonitro galwadau.

Fformatau hygyrch

Os hoffech chi gael y canllaw hwn mewn Braille, print bras neu fformat sain, cysylltwch â ni ar y rhifau uchod. Gwybodaeth yn gywir ar adeg argraffu (Ebrill 2026). Adolygir y canllawiau hyn unwaith y flwyddyn.

© HelpwrArian Ebrill 2026

Cymraeg



Cyf: TLWPS_Apr26_Ed1_Welsh